

গণপ্রজাতন্ত্রী বাংলাদেশ সরকার

জাতীয় রাজস্ব বোর্ড

রাজস্ব ভবন

সেগুনবাগিচা, ঢাকা।

(শুক)

প্রজ্ঞাপন

তারিখ: ১২ আষাঢ়, ১৪১৫ বঙ্গাব্দ/২৬ জুন, ২০০৮ খ্রিষ্টাব্দ

এসআরও নং-১৮১-আইন/২০০৮/২২০৯/শুক। Customs Act, 1969 (Act IV of 1969) এর Section 13 এর উদ্দেশ্য পূরণকল্পে এবং Section 219 এ প্রদত্ত ক্ষমতাবলে জাতীয় রাজস্ব বোর্ড ভণ্ডেড ওয়্যারহাউস লাইসেন্স প্রদান, তদারকি এবং অন্যান্য আনুষঙ্গিক কার্যাবলী নির্ধারণের লক্ষ্যে নিম্নরূপ বিধিমালা প্রণয়ন করিল, যথা:-

১। সঙ্ক্ষিপ্ত শিরোনাম ও প্রবর্তন।- (১) এই বিধিমালা ভণ্ডেড ওয়্যারহাউজ লাইসেন্সিং বিধিমালা, ২০০৮ নামে অভিহিত হইবে।

(২) ইহা ১ জুলাই, ২০০৮ইং তারিখে কার্যকর হইবে।

২। সংজ্ঞা।- বিষয় বা প্রসঙ্গের পরিপন্থী কিছু না থাকিলে, এই বিধিমালায়-

- (ক) “আইন” অর্থ Customs Act, 1969 (Act No. IV of 1969);
- (খ) “লাইসেন্স” অর্থ আইনের Section 13 এর আওতায় কোন শিল্প প্রতিষ্ঠানকে প্রদত্ত ভণ্ডেড ওয়্যারহাউস লাইসেন্স;
- (গ) “শিল্প প্রতিষ্ঠান” অর্থ দেশীয় অথবা আমদানিকৃত কাঁচামাল ব্যবহার করিয়া উৎপাদন প্রক্রিয়ার মাধ্যমে দেশীয় ভোগের জন্য অথবা রপ্তানির জন্য পণ্য উৎপাদনকারী শিল্প প্রতিষ্ঠান;
- (ঘ) “সরাসরি রপ্তানিমুখী শিল্প প্রতিষ্ঠান” অর্থ এমন কোন শিল্প প্রতিষ্ঠান যাহা তদকর্তৃক প্রস্তুতকৃত বা উৎপাদিত সকল পণ্য বিদেশে রপ্তানি করে;
- (ঙ) “প্রচ্ছন্ন রপ্তানিমুখী শিল্প প্রতিষ্ঠান” অর্থ বৈদেশিক মুদ্রায় স্থাপিত বি.বি.এল.সি. এর বিপরীতে পশ্চাদসংযোগ শিল্প হিসাবে শতভাগ রপ্তানিমুখী শিল্প প্রতিষ্ঠানে সরবরাহতব্য আনুষঙ্গিক দ্রব্যাদি উৎপাদন ও সরবরাহকারী শিল্প প্রতিষ্ঠান;
- (চ) “ফরম” অর্থ এই বিধিমালার ফরম;
- (ছ) “বোর্ড” অর্থ National Board of Revenue Order, 1972 (P.O No. 76 of 1972) এর অধীনে গঠিত National Board of Revenue;
- (জ) “লাইসেন্সিং কর্তৃপক্ষ” অর্থ বিধি-৩ এ উল্লেখিত লাইসেন্সিং কর্তৃপক্ষ;
- (ঝ) “লাইসেন্সি” অর্থ এই বিধিমালার অধীন বন্ড লাইসেন্সপ্রাপ্ত কোন ব্যক্তি, কোম্পানী বা প্রতিষ্ঠান;
- (ঞ) “ব্যক্তি” অর্থ প্রতিষ্ঠানের মালিক, ব্যবস্থাপনা অংশীদার, পরিচালক বা ব্যবস্থাপনা পরিচালক বা চেয়ারম্যান;
- (ট) “জেনারেল বন্ড” অর্থ আইনের Section 86(3) এর বিধান মোতাবেক লাইসেন্সী কর্তৃক গণপ্রজাতন্ত্রী বাংলাদেশ সরকারের সহিত সম্পাদিত ডিউটি বন্ড ও রিস্ক বন্ডের সমন্বয়ে একটি সাধারণ বন্ড যাহা লাইসেন্সী কর্তৃক বন্ডের আওতায় আমদানিকৃত পণ্য খালাস, অনুমোদিত বন্ড

গুদামে সংরক্ষণ ও ব্যবহারের জন্য নির্দেশিত অংকের অর্থ পরিশোধের নিশ্চয়তা প্রদান করিয়া থাকে;

- (ঠ) “ডিপ্লোমেটিক বন্ড” অর্থ কুটনীতিক অথবা বিশেষ সুবিধাভোগী (Privileged Person) বিদেশী নাগরিকদের নিকট বন্ড সুবিধার আওতায় আমদানিকৃত পণ্য বৈদেশিক মুদ্রার বিনিময়ে বিক্রয়কারী প্রতিষ্ঠান;
- (ড) “ডিউটি ফ্রি বন্ড” অর্থ বিদেশগামী বা বিদেশ হইতে আগত কোন যাত্রীর নিকট বন্ড সুবিধার আওতায় আমদানিকৃত পণ্য বৈদেশিক মুদ্রার বিনিময়ে বিক্রয়কারী প্রতিষ্ঠান;
- (ঢ) “লিয়েন ব্যাংক” অর্থ লাইসেন্সিং কর্তৃপক্ষ কর্তৃক অনুমোদিত ব্যাংক যাহার মাধ্যমে লাইসেন্সি যাবতীয় আমদানি, রপ্তানি ও ব্যবসায়িক কার্যক্রম পরিচালনা করিয়া থাকে।

৩। লাইসেন্সিং কর্তৃপক্ষ। - লাইসেন্সিং কর্তৃপক্ষ হইবে আইনের Section 13 এর অধীন ক্ষমতাপ্রাপ্ত কোন শুল্ক কমিশনার (বন্ড) বা যে কোন শুল্ক কমিশনার।

৪। প্রয়োগ। - এই বিধিমালার অধীন নিম্নবর্ণিত প্রতিষ্ঠানকে লাইসেন্স প্রদান অথবা, প্রযোজ্য ক্ষেত্রে, বন্ড রেজিস্ট্রেশন করা যাইবে, যথা:-

- (ক) সরাসরি রপ্তানিমুখী শিল্প প্রতিষ্ঠান;
- (খ) প্রাচল্য রপ্তানিমুখী শিল্প প্রতিষ্ঠান;
- (গ) ডিপ্লোমেটিক, ডিউটি ফ্রি, ডিউটি পেইড প্রতিষ্ঠান;
- (ঘ) সরকারি ও বেসরকারি রপ্তানি প্রক্রিয়াকরণ অঞ্চলে (ইপিজেড) অবস্থিত শতভাগ প্রাচল্য ও সরাসরি রপ্তানিমুখী শিল্প প্রতিষ্ঠান।

৫। লাইসেন্সের জন্য আবেদন। -লাইসেন্স প্রাপ্তির জন্য কোন ব্যক্তি লাইসেন্সিং কর্তৃপক্ষের নিকট “পরিশিষ্ট-১” ফরম পূরণপূর্বক এবং “পরিশিষ্ট-২” এ উল্লিখিত দলিলাদি লিয়েন ব্যাংক কর্তৃক সত্যায়নপূর্বক সংযুক্ত করিয়া যথাযথ মূল্যমানের কোর্ট ফিসহ আবেদন করিতে পারিবে।

৬। লাইসেন্স প্রদান। - (১) বিধি ৫ অনুযায়ী লাইসেন্সের জন্য আবেদন করা হইলে লাইসেন্সিং কর্তৃপক্ষ যদি এই মর্মে সন্তুষ্ট হয় যে, আবেদনকারী লাইসেন্সের জন্য নির্ধারিত শর্তাবলী পূরণ করিয়াছেন, তাহা হইলে লাইসেন্সিং কর্তৃপক্ষ আবেদনকারীর নিকট হইতে উপ-বিধি (২) এ উল্লেখিত ফি আদায় করিয়া ৩০(ত্রিশ) দিনের মধ্যে আবেদনকারীকে “পরিশিষ্ট-৩” ফরমে লাইসেন্স প্রদান করিবে।

(২) লাইসেন্সিং কর্তৃপক্ষ কর্তৃক লাইসেন্স প্রদানের সিদ্ধান্ত গ্রহণের পর আবেদনকারী লাইসেন্স ফি বাবদ ১০,০০০/- (দশ হাজার) টাকা ট্রেজারী চালানের মাধ্যমে একাউন্ট কোড নং-১১৩১/০০০০/০৪২১ তে জমা প্রদান করিয়া ট্রেজারী চালানের মূল কপি ও স্বাক্ষরিত জেনারেল বন্ডসহ সংশ্লিষ্ট কমিশনারের দপ্তরে দাখিল করিবে।

৭। লাইসেন্সের মেয়াদ। -

- (ক) লাইসেন্সের মেয়াদ হইবে লাইসেন্স প্রদানের তারিখ হইতে ২(দুই) বৎসর; এবং
- (খ) লাইসেন্সিকে প্রতি বৎসর তদসংশ্লিষ্ট প্রতিষ্ঠানের অডিট সম্পন্ন করিতে হইবে।]

৮। লাইসেন্স নবায়ন। - লাইসেন্সের মেয়াদ উত্তীর্ণ হইবার ৩০(ত্রিশ) দিন পূর্বে লাইসেন্স নবায়ন ফি বাবদ বার্ষিক ৫০০০/- (পাঁচ হাজার) টাকা হারে ২(দুই) বৎসরের নবায়ন ফি ট্রেজারী চালানের মাধ্যমে সংশ্লিষ্ট কোডে জমা প্রদান করিয়া প্রয়োজনীয় দলিলাদি সংশ্লিষ্ট এসোসিয়েশনে জমা প্রদান করিলে লাইসেন্স স্বয়ংক্রিয়ভাবে পরবর্তী

^১ এসআরও ১৬২-আইন/২০১১/২৩৪৯/কাস্টমস তারিখ: ৯.৬.২০১১ অনুযায়ী সংশোধিত।

^২ এসআরও ১৬২-আইন/২০১১/২৩৪৯/কাস্টমস তারিখ: ৯.৬.২০১১ অনুযায়ী সংশোধিত।

মেয়াদের জন্য নবায়িত হইবে এবং সংশ্লিষ্ট এসোসিয়েশন উক্ত নবায়ন সংক্রান্ত তথ্য নবায়নের তারিখ হইতে ৩০(ত্রিশ) দিনের মধ্যে কমিশনার (বন্ড) বা সংশ্লিষ্ট কমিশনার বরাবরে প্রেরণ করিবে।]

৯। **লাইসেন্স স্থগিতকরণ বা বাতিলকরণ।** - [লাইসেন্স নবায়ন সংক্রান্ত তথ্য সংশ্লিষ্ট এসোসিয়েশন হইতে লাইসেন্স এর মেয়াদ উত্তীর্ণের ৩০(ত্রিশ) দিনের মধ্যে কমিশনার (বন্ড) বা সংশ্লিষ্ট কমিশনারের দপ্তরে প্রেরণ না করিলে] অথবা নিরীক্ষার উদ্দেশ্যে প্রয়োজনীয় দলিলাদি দাখিল না করিলে অথবা আইন বা এই বিধিমালা বা লাইসেন্সের কোন শর্ত ভঙ্গ করিলে লাইসেন্সিং কর্তৃপক্ষ লাইসেন্স স্থগিত (Suspend) করিতে পরিবেন এবং লাইসেন্সিকে যুক্তিসঙ্গত কারণ দর্শানোর সুযোগ প্রদান করিয়া আইনের Section 13(2) এর বিধান মোতাবেক লাইসেন্স বাতিল করিতে পরিবেন।

১০। **লাইসেন্স অধিক্ষেত্র।**- আইনের Section 11 অনুযায়ী জাতীয় রাজস্ব বোর্ড কর্তৃক প্রজ্ঞাপিত এলাকাসমূহ লাইসেন্স প্রদানের অধিক্ষেত্র হিসাবে বিবেচিত হইবে।

১১। **আর্থিক স্বচ্ছলতা।**- (১) লাইসেন্স প্রাপ্তির লক্ষ্যে আবেদনকারী ব্যক্তির জেনারেল বন্ড সম্পাদনের মত প্রয়োজনীয় আর্থিক স্বচ্ছলতা থাকিতে হইবে। আবেদনকারী লাইসেন্সের জন্য আবেদনপত্রের সহিত আর্থিক স্বচ্ছলতার প্রমাণ হিসাবে লিয়েন ব্যাংক কর্তৃক ইস্যুকৃত প্রত্যয়নপত্র দাখিল করিবে, যাহাতে ব্যাংক এই মর্মে প্রত্যয়ন করিবে যে, আবেদনকারীর জেনারেল বন্ড সম্পাদনের মত আর্থিক স্বচ্ছলতা রহিয়াছে।

(২) মালিকানা পরিবর্তন বা শেয়ার হস্তান্তরের ক্ষেত্রে উপ-বিধি (১) এর বিধান প্রযোজ্য হইবে।

১২। **জেনারেল বন্ড।** - জেনারেল বন্ড সম্পাদন এবং লাইসেন্স প্রাপ্তির পর লাইসেন্সি শুষ্ক-কর পরিশোধ ব্যতিরেকে কাঁচামাল আমদানি, গুদামজাতকরণ, ব্যবহার ও রপ্তানি করিতে পরিবেন এবং এই ক্ষেত্রে জেনারেল বন্ডের পরিমাণ নিম্নরূপ নিরূপিত হইবে, যথা:-

- (ক) প্রচলিত রপ্তানিকারক প্রতিষ্ঠানের জন্য এক কোটি টাকার জেনারেল বন্ড;
- (খ) যুগপৎ প্রচলিত এবং সরাসরি রপ্তানিকারক প্রতিষ্ঠানের জন্য দুই কোটি টাকার জেনারেল বন্ড;
- (গ) সরাসরি রপ্তানিকারক প্রতিষ্ঠানের জন্য তিন কোটি টাকার জেনারেল বন্ড; এবং
- (ঘ) ডিপ্লোমেটিক, ডিউটি ফ্রি এবং ডিউটি পেইড প্রতিষ্ঠানের জন্য ৩(তিন) কোটি টাকার জেনারেল বন্ড;

তবে শর্ত থাকে যে, লাইসেন্সিং কর্তৃপক্ষ প্রয়োজনবোধে আমদানি রপ্তানির ব্যাপকতা বিবেচনা করিয়া জেনারেল বন্ডের পরিমাণ বৃদ্ধি করিতে পারিবেন।

১৩। **বন্ডিং মেয়াদ।** - আইনের Section 98 এর বিধান মোতাবেক বন্ডিং মেয়াদ নির্ধারিত হইবে।

১৪। **আমদানি প্রাপ্যতা ও এককালীন বন্ডিং ক্যাপাসিটি।**- এতদসংক্রান্ত বিদ্যমান বিধানাবলী আমদানি প্রাপ্যতা ও এককালীন বন্ডিং ক্যাপাসিটির ক্ষেত্রে প্রযোজ্য হইবে।

১৫। **পরিবর্তিত, পরিবর্তন, সংযোজন অথবা বিয়োজন।** - লাইসেন্সি লাইসেন্সিং কর্তৃপক্ষের নিকট আবেদন করিয়া লাইসেন্সে উল্লেখিত যে কোন তথ্যের পরিবর্তন, পরিবর্তন, সংযোজন বা বিয়োজন করিতে পারিবে।

১৬। **আপীল।**- লাইসেন্সিং কর্তৃপক্ষের যে কোন সিদ্ধান্তের বিরুদ্ধে সংক্ষুব্ধব্যক্তি সিদ্ধান্ত প্রদানের ৯০(নব্বই) কার্যদিবসের মধ্যে আপীলাত ট্রাইব্যুনাতে আপীল দায়ের করিতে পারিবেন।

১৭। **বাধ্যবাধকতা।** -লাইসেন্সি-

- (ক) আইনের বিধানাবলী ও লাইসেন্সে বর্ণিত শর্তাবলী অনুসরণ করিতে বাধ্য থাকিবেন;

^১ এসআরও ১৬২-আইন/২০১১/২৩৪৯/কাস্টমস তারিখ ৯.৬.২০১১ অনুযায়ী সংশোধিত।

(খ) লাইসেন্সি জাতীয় রাজস্ব বোর্ড অথবা লাইসেন্সিং কর্তৃপক্ষ কর্তৃক, সময় সময় জারিকৃত আদেশ নির্দেশ প্রতিপালনে বাধ্য থাকিবেন;

(গ) ইস্যুকৃত লাইসেন্স হস্তান্তর করিতে পারিবেন না।

১৮। আদেশ জারি। - এই বিধিমালা কার্যকর করার লক্ষ্যে কর্মপদ্ধতি নির্ধারণকল্পে লাইসেন্সিং কর্তৃপক্ষ অফিস আদেশ জারি করিতে পারিবেন।

১৯। অন্যান্য প্রজ্ঞাপন ও বিধির প্রয়োগ। - বন্ড সংক্রান্ত জাতীয় রাজস্ব বোর্ড কর্তৃক প্রণীত অন্যান্য প্রজ্ঞাপন ও বিধিমালা এই বিধিমালার পরিপূর্বক হিসাবে গণ্য হইবে।

২০। সীমাবদ্ধতা। - জাতীয় রাজস্ব বোর্ড আইনের Section 13(2) এর বিধান মোতাবেক বন্ড লাইসেন্স সংক্রান্ত বিষয়ে শর্ত, সীমাবদ্ধতা বা বিধিনিষেধ আরোপ করিতে পারিবেন।

১৯. কাঁচামাল সংক্রান্ত তথ্য:

স্থাপিত মেশিন অনুযায়ী কাঁচামালের বিবরণ :

ক্রমিক নম্বর	এইচ এস কোড	বর্ণনা	বাৎসরিক উৎপাদন ক্ষমতা (প্রযোজ্য ক্ষেত্রে)	ইউনিট কোড

২০. কারখানার মোট আয়তন:

ক্রমিক	দৈর্ঘ্য (ফুট)	প্রস্থ (ফুট)	আয়তন (বর্গফুট)

২১. কাঁচামালের গুদামের আয়তন (প্রযোজ্য হলে):

ক্রমিক	দৈর্ঘ্য (ফুট)	প্রস্থ (ফুট)	উচ্চত (ফুট)	ভলিয়াম (ঘনফুট)

২২. উৎপাদিত পণ্যের গুদাম (প্রযোজ্য হলে):

ক্রমিক	দৈর্ঘ্য (ফুট)	প্রস্থ (ফুট)	উচ্চত (ফুট)	ভলিয়াম (ঘনফুট)

তারিখ :/...../.....

.....

স্বাক্ষর

.....

(লাইসেন্সের নাম/(নতুন আবেদনকারী)

.....

পদবী

[বিধি২ দ্রষ্টব্য]

লাইসেন্স এর জন্য আবশ্যিক দলিলাদি

ক্রমিক নং	বিবরণ
১	যথাযথ মূল্যমানের কোর্ট ফিসহ আবেদন।
২	Bol/BSCIC এর রেজিস্ট্রেশন সনদপত্র।
৩	কোম্পানীর টিআইএন সনদসহ সকল পরিচালক/মালিকের আয়কর বিভাগ কর্তৃক ইস্যুকৃত সম্পদ বিবরণী (আইটি১০বি) এর সার্টিফাইড কপি।
৪	হালানাগাদ ট্রেড লাইসেন্স।
৫	হালানাগাদ ফায়ার লাইসেন্স।
৬	মূল্য সংযোজন কর সনদপত্র।
৭	সংশ্লিষ্ট এসোসিয়েশন সুপারিশপত্র (প্রযোজ্য ক্ষেত্রে)। সংশ্লিষ্ট এসোসিয়েশনের সদস্য নন এমন ব্যবসায়ীগণ এসোসিয়েশনের সুপারিশপত্র ছাড়াই সরাসরি বন্ড লাইসেন্সের জন্য আবেদন করিতে পারিবেন।
৮	প্রতিষ্ঠানের মালিক/ পরিচালকদের নাম, পদবী, বর্তমান ও স্থায়ী ঠিকানা, স্বাক্ষর এবং ছবি নোটারী পাবলিক ও লিয়েন ব্যাংক কর্তৃক সত্যায়নপূর্বক ১৫০ (একশত পঞ্চাশ) টাকার নন জুডিশিয়াল স্ট্যাম্পে দাখিল।
৯	বয়লার সার্টিফিকেট (প্রযোজ্য ক্ষেত্রে)।
১০	জয়েন্ট স্টক কোম্পানীর মেমোরেভাম এন্ড আর্টিকেলস অব এসোসিয়েশন এবং সার্টিফিকেট অব ইনকরপোরেশনের একটি করে মূল বই (প্রযোজ্য ক্ষেত্রে)।
১১	মেশিনারী আমদানির ক্ষেত্রে Invoice ও B/E এবং স্থানীয় ক্রয়ের ক্ষেত্রে ক্ষেত্রে ক্রয় সংক্রান্ত দলিলাদির সত্যায়িত ফটোকপি।
১২	প্রস্তাবিত বন্ডেড ওয়্যার হাউজের ২(দুই) কপি নীল নক্সা যা এমোনিয়া প্রিন্ট পেপারে প্রস্তুতকৃত ও সার্টিফাইড ইঞ্জিনিয়ার কর্তৃক প্রতিস্বাক্ষরিত।
১৩	কারখানার মালিকানা দলিল কিংবা ভাড়ার ক্ষেত্রে নোটারীকৃত চুক্তিপত্র।
১৪	ব্যবসা পরিচালনাকালে দেশে প্রচলিত সংশ্লিষ্ট সকল আইন ও বিধি-বিধান মেনে চলার অঙ্গীকারসহ ১৫০(একশত পঞ্চাশ) টাকার নন জুডিশিয়াল স্ট্যাম্পে হলফনামা।

[বিধি ৬ দ্রষ্টব্য]

গণপ্রজাতন্ত্রী বাংলাদেশ সরকার

..... কমিশনারেট

হস্তান্তরযোগ্য নয়

সম্পূর্ণ রপ্তানিমুখী শিল্প প্রতিষ্ঠানের জন্য বন্ডেড/বিশেষ বন্ডেড ওয়্যারহাউস লাইসেন্স

[Customs Act, 1969 এর Section 13(1) মোতাবেক প্রদত্ত]

লাইসেন্স নং.....

তারিখ

১. (ক) শিল্প প্রতিষ্ঠানের নাম :
(খ) টিআইএন :
২. (ক) অফিসের পূর্ণ ঠিকানা :
(খ) ফোন ও ফ্যাক্স নম্বর :
(গ) ই-মেইল :
৩. (ক) ফ্যাক্টরীর পূর্ণ ঠিকানা :
(খ) ফোন ও ফ্যাক্স নম্বর :
(গ) ই-মেইল :
৪. অফিস/ফ্যাক্টরী ভবনের মালিকানা : নিজস্ব/ভাড়া করা
৫. প্রতিষ্ঠানের মালিক/ব্যবস্থাপনা অংশীদার/ব্যবস্থাপনা পরিচালকের বর্ণনা:

প্রতিষ্ঠানের মালিক/ ব্যবস্থাপনা অংশীদার/ব্যবস্থাপনা পরিচালকের নাম, পিতা/স্বামীর নাম	পেশা ও জাতীয়তা	স্থায়ী ঠিকানা	বর্তমান ঠিকানা	স্বাক্ষর

৬. অন্যান্য প্রতিষ্ঠানের অংশীদার/পরিচালকমন্ডলীর বর্ণনা:

প্রতিষ্ঠানের অন্যান্য অংশীদার/পরিচালকমন্ডলীর নাম, পিতা/স্বামীর নাম	পেশা ও জাতীয়তা	স্থায়ী ঠিকানা	বর্তমান ঠিকানা	স্বাক্ষর

৭. বিজিএমইএ/বিকেএমইএ/সরকার অনুমোদিত সংশ্লিষ্ট সমিতির
সদস্য পদ নম্বর: তারিখ:
৮. বিনিয়োগ বোর্ড নিবন্ধন নম্বর: তারিখ:
৯. ইআরসি নম্বর: তারিখ:

১০. আইআরসি নম্বর: তারিখ:
১১. মূসক রেজিস্ট্রেশন নম্বর: তারিখ:
১২. লিয়োন ব্যাংকের নাম, ঠিকানা ও ফোন নম্বর : তারিখ:
১৩. শিল্প প্রতিষ্ঠান কর্তৃক উৎপাদিত পণ্যের বিবরণ বিনিয়োগ (বোর্ডের নিবন্ধন অনুযায়ী):
১৪. শিল্প প্রতিষ্ঠান কর্তৃক উৎপাদিত পণ্যের (পণ্য ভিত্তিক) বার্ষিক উৎপাদন ক্ষমতা (শুল্ক কর্তৃপক্ষের সরজমিনে তদন্ত প্রতিবেদন অনুযায়ী):
১৫. উক্ত পণ্য তৈরীতে ব্যবহার্য কাঁচামালের বিবরণ (এইচএস কোডসহ প্রয়োজনে লাইসেন্স প্রদানকারীর স্বাক্ষরসহ অতিরিক্ত পৃথক কাগজ ব্যবহার করা যাইবে সেই ক্ষেত্রে এই অনুচ্ছেদে অতিরিক্ত ব্যবহৃত মোট পাতার সংখ্যা উল্লেখ করিতে হইবে):
১৬. বন্ডেড ওয়্যারহাউস সংশ্লিষ্ট শুল্ক দলিলাদিতে স্বাক্ষর প্রদানকারীর বিবরণ:

নাম	পদমর্যাদা	ফোন ও ফ্যাক্স নম্বর	নমুনা স্বাক্ষর (ব্যাংক একাউন্ট পরিচালনায় ব্যবহৃত স্বাক্ষর)

১৭. বন্ডেড ওয়্যারহাউজের মোট আয়তন:
১৮. কাঁচামাল মজুদের পণ্যাগারের আয়তন:
১৯. তৈরি পণ্য মজুদের পণ্যাগারের আয়তন:
২০. প্রক্রিয়াকরণের জন্য বন্ডেড ওয়্যারহাউজে/পণ্যাগারে যে সব কাঁচামাল ইন্টু বন্ডে মজুদ করা যাইবে (প্রয়োজনে ১৫ অনুচ্ছেদের ন্যায় অতিরিক্ত কাগজ ব্যবহার করা যাইবে):

বর্ণনা	এইচএস কোড	বার্ষিক আমদানি প্রাপ্যতা (পরিমাণ)

২১. বার্ষিক আমদানি প্রাপ্যতা, কাঁচামাল মজুদের পণ্যাগারের ধারণ ক্ষমতা, রপ্তানি পারফরমেন্স (প্রয়োজ্য ক্ষেত্রে) এবং জাতীয় রাজস্ব বোর্ড কর্তৃক নির্ধারিত নীতিমালা (যদি থাকে) ভিত্তিতে এককালীন সর্বোচ্চ আমদানি প্রাপ্যতা/বন্ডিং ক্যাপাসিটি (পরিমাণে):
২২. অপর পৃষ্ঠায় বর্ণিত শর্তাবলী প্রতিপালন করিবেন এই শর্তে মেসার্স এর অনুকূলে এই লাইসেন্স মঞ্জুর করা হইল।

তারিখ:

কমিশনার

লাইসেন্সি কর্তৃক পালনীয় শর্তাবলী:

১. এই লাইসেন্স হস্তান্তরযোগ্য নয়।
২. পণ্যাগারে রক্ষিত পণ্যের নিরাপদ সংরক্ষণের জন্য প্রযোজ্য সকল আইন মানিয়া চলিতে লাইসেন্সি তথা বন্ডার বাধ্য থাকিবেন।
৩. বন্ডকৃত প্রাক্ষণে কাঁচামাল মজুদের পণ্যাগার, উৎপাদনের এলাকা, উৎপাদিত পণ্য মজুদের পণ্যাগার ও অফিসকক্ষ সুচিহ্নিত ও সুরক্ষিত হইতে হইবে। পণ্যাগারে রক্ষিত কাঁচামাল ও উৎপাদিত পণ্য এমনভাবে রক্ষিত হইবে যাহাতে কাঁচামাল ও উৎপাদিত পণ্য সহজে পরিদর্শন করা যায়। উৎপাদিত প্যাকেজ বা পণ্যের পরিমাণ পণ্যাগারের ধারণ ক্ষমতার অধিক হইবে না। লাইসেন্সিং কর্তৃপক্ষের নির্দেশানুযায় পণ্যাগারে মজুদের ব্যবস্থা করিতে হইবে।
৪. লাইসেন্সি তাঁদের পণ্যের মজুদ বই এমনভাবে সংরক্ষণ করিবেন যাহাতে মজুদ পণ্যের পরিমাণ সহজেই পরীক্ষা করা যায়। শুদ্ধ অফিসার যখনই মজুদ বই তলব করিবেন তখনই তাহা পেশ করিতে হইবে।
৫. জাতীয় রাজস্ব বোর্ড ও শুদ্ধ কর্তৃপক্ষ কর্তৃক বন্ডেড ওয়্যারহাউস পরিচালনা বিষয়ে জারীকৃত এসআরও/আদেশ/নির্দেশ মানিয়া চলিতে বন্ডার বাধ্য থাকিবেন।
৬. বন্ড লাইসেন্সের আওতায় পণ্য আমদানি ও রপ্তানির ক্ষেত্রে বিদ্যমান আমদানি নীতি ও রপ্তানি নীতির বিধি-বিধান মানিয়া চলিতে বন্ডার বাধ্য থাকিবেন।
৭. লাইসেন্সের দ্বিতীয় পাতায় বর্ণিত কাঁচামাল ভিন্ন কোন প্রকার পণ্য, মেশিনারী বা যন্ত্রাংশ বন্ডিং সুবিধায় খালাস দেয়া হইবে না।
৮. (ক) বিশেষ বন্ডেড ওয়্যারহাউস লাইসেন্সপ্রাপ্ত সম্পূর্ণ রপ্তানিমুখী শিল্প প্রতিষ্ঠানের লাইসেন্সের মেয়াদ ১(এক) বৎসর সমাপ্ত হইবার পরবর্তী ^২[৩০(ত্রিশ)] দিনের মধ্যে সংশ্লিষ্ট শিল্প প্রতিষ্ঠানের বার্ষিক অডিটের জন্য প্রয়োজনীয় দলিলাদি লাইসেন্সিং কর্তৃপক্ষের নিকট জমা প্রদান করিতে হইবে এবং অডিটের লক্ষ্যে প্রস্তুত থাকিতে হইবে।
(খ) উপ-দফা (ক) এর অধীন লাইসেন্সিং কর্তৃপক্ষ উক্ত দলিলাদি প্রাপ্ত হইবার পর পরবর্তী ^৩[১২০ (একশত বিশ)] দিনের মধ্যে বার্ষিক অডিট সম্পন্ন করিবে।
(গ) লাইসেন্সি নির্ধারিত সময়ের মধ্যে প্রয়োজনীয় দলিলাদি দাখিল না করিলে এবং অডিটের জন্য প্রস্তুত না থাকিলে কমিশনার (বন্ড) অথবা সংশ্লিষ্ট কমিশনার অবিলম্বে লাইসেন্স সাসপেন্ড করিবেন এবং আইনী কার্য দ্বারা সমাপনান্তে বার্ষিক অডিট সম্পন্ন হওয়া সাপেক্ষে স্থগিতাদেশ প্রত্যাহার করিবেন।
৯. অন্যান্য সম্পূর্ণ রপ্তানিমুখী শিল্প প্রতিষ্ঠানের বন্ডেড ওয়্যারহাউস লাইসেন্সের ক্ষেত্রে লাইসেন্স প্রদানের ভিত্তিতে বার্ষিক অডিটের জন্য প্রয়োজনীয় দলিলাদি লাইসেন্সিং কর্তৃপক্ষের নিকট লাইসেন্সের মেয়াদ ১ (এক) বৎসর সমাপ্ত হইবার পরবর্তী ১৫(পনের) দিনের মধ্যে জমা প্রদান করিতে হইবে।]
১০. লাইসেন্সধারী প্রতিষ্ঠানের গঠনতন্ত্র বা ব্যবস্থাপনা পরিষদে যে কোন পরিবর্তন, বন্ডেড ওয়্যারহাউস স্থানান্তর বা সম্প্রসারণ বা কোনরূপ পরিবর্তন/পরিবর্ধনের ক্ষেত্রে লাইসেন্সিং কর্তৃপক্ষের পূর্বানুমতি গ্রহণ করিতে হইবে এবং এই মর্মে লাইসেন্স সংশোধিত না হওয়া পর্যন্ত যে কোন পরিবর্তন অবৈধ ও শুদ্ধ আইনের ব্যত্যয় হিসাবে গণ্য করিয়া আইনানুগভাবে শাস্তিমূলক ব্যবস্থা গ্রহণ করা হইবে।

^১ এস.আর.ও নং-১৬২-আইন/২০১১/২৩৪৯/কাস্টমস তারিখ ০৯.০৬.২০১১ অনুযায়ী সংশোধিত।

^২ এস.আর.ও নং-২৩২-আইন/২০১২/২৪১৩/কাস তারিখ ২৮.০৬.২০১২ অনুযায়ী সংশোধিত।

^৩ এস.আর.ও নং-১৫৩-আইন/২০১৫/৩৩/কাস্টমস, তারিখ ০৪ জুন অনুযায়ী প্রতিস্থাপিত।

১১. Customs Act, 1969 এর Warehousing (Chapter XI) এ বর্ণিত বিধান এই বন্ডেড ওয়ারহাউস লাইসেন্সের জন্য প্রযোজ্য হইবে।

আমি এবং লাইসেন্স প্রাপ্ত প্রতিষ্ঠানের সকলে উপরে বর্ণিত সকল শর্তাবলী সকল সময় যথাযথভাবে পালন করিব।
অন্যথায় লাইসেন্সিং কর্তৃপক্ষ আইনত: যে কোন ব্যবস্থা গ্রহণ করিলে আমরা তাহা মানিয়া নিতে বাধ্য থাকিব।

তারিখ:

.....
(মালিক/ব্যবস্থাপনা অংশীদার/ব্যবস্থাপনা
পরিচালকের স্বাক্ষর)
জাতীয় রাজস্ব বোর্ডের আদেশক্রমে
স্বাক্ষরিত/-
[ড. মো: সহিদুল ইসলাম]
প্রথম সচিব (শুল্ক)